



COMUNE DE ROMANA

DELIBERATZIONE DE SA GIUNTA COMUNALE N. 67 DE SU 27/10/2022

OGETU: AMMENTU DE SOS MORTOS IN GHERRA PREVÌDIDU PRO SU 5 DE SANTANDRIA DE SU 2022.
APROVATZIONE PROGRAMMA DE SAS INITZIATIVAS E ASSEGNATZIONE CONTRIBUTU

S'annu duamìgia e bintiduos sa die bintisete de su mese de Santugaine a sas 10:25, in sa SALA GIUNTA, acumpridas in antis totu sas formalidades prevididas dae sa Lege e dae s'Istatutu, s'est reunida sa Giunta Comunale suta sa presidèntzia de su Presidente Sìndigu DUT.RA CATTE LUCIA.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	DUT.RA CATTE LUCIA	EMMO
VITZESÌNDIGU	PISANU DARIO	--
ASSESSORE	MELONI PIETRO	EMMO
ASSESSORE	SOLE VALERIA	EMMO

Presentes n° 3 Ausentes n° 1

Partètzipat su Segretàriu Generale DR. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su Sìndigu DUT.RA CATTE LUCIA, in sa calidade sua de presidente, leat sa presidèntzia e de crarat aberta sa setziada pro trattare s'ogetu torradu a giùghere subra.

SA GIUNTA COMUNALE

PREMÌTIDU chi su Sìndigu, in calidade de Presidente de sa Giunta, at dispostu sa cunvocatzione de sa setziada in data de oe in modalidade "misciada", in relata a sa gestione de sa situatzione de emergèntzia dae COVID- 19;

AVERIGUADU, a incuru de su Segretàriu Comunale, chi a sa setziada de sa Giunta partètzipant in su materri tempus: su Sìndigu, s'Assessore Meloni e su Segretàriu dae sa domo comunale, mentres s'assessore Sole est collegada dae a tesu in modalidade videocunferèntzia;

VERIFICADU a manera preliminar, a incuru de su Segretàriu Comunale, chi su cullegamentu in videocunferèntzia est idòneu a garantire sa possibilidade de averiguare s'identidade de su partetzipante a sa setziada chi interbenit in videocunferèntzia, a permìtere un'acumprida regulare de s'adunàntzia, a constatare e proclamare sos resultados de sa votatzione e a permìtere a su Segretàriu Comunale de distìnghere a manera ladina cantu est deccradu e deliberadu in sa setziada;

PREMÌTIDU chi su 4 de santandria si tzèlebrat s'ammentu de sos mortos in sa prima gherra mondiale (1914 – 1918) abarrada in sa memòria de totus comente sa Gherra Manna e chi aiat bidu s'Itàlia partetzipare a sa gherra dae maju de su 1915 a santandria de su 1918;

CONSIDERADU chi est cumbinchimentu de s'Amministrazione Comunale, in s'àmbitu de sas atividades culturales, organizzare unas cantas initiatives pro ammentare sa prima gherra mondiale pro mèdiu de unu meledu istoriogràficu subra de su significadu de s'esperientzia de sa Gherra Manna faghende a connòschere a custas genias noas e a tota sa tzitadinàntzia totu sas conseghèntzias chi issa aiat àpidu subra de sas populatziones est a nàrrere dare impèllida a s'ispìritu crìticu issoro e a sa cultura contra a sa violèntzia pro chi non si ripitant prus totu cussas mortes;

BIDU chi, in cunsideru de su valore educativu mannu e istòricu/culturale de s'ammentu, s'Amministrazione Comunale de Romana, at interessadu sas istituziones presentes in su territòriu e sos Assòtzios Culturales;

BIDA sa Delibera de Consìgu Comunale n. 16 de su 30.04.2019 de aprovatzione de su *Regulamentu pro s'Istituzione de s'albu e sa cuntzessione de contributos a organismos assotziativos*;

RITÈNNIDU oportunu approvare su programma chi sighit de sa tzerimònia de inauguratzione de s'Ammentu chi s'at a fàghere su 5 de santandria de su 2022, gasi comente sighit:

PROGRAMMA:

- ABOJU IN SA PRATZA DE SU MUNITZÌPIU
- S. MISSA PRO SOS MORTOS DE TOTU SAS GHERRAS IN SA CRÈSIA PARROCHIALE DE SANTA MARIA DE SOS ÀNGHELOS

- BENEDITZIONE DE SA RUGHE DE FERRU IN AMMENTU DE SOS MORTOS DE ROMANA
- APOSENTAMENTU DE UNA CORONA DE LARU IN SU MONUMENTU DE SOS MORTOS IN GHERRA
- SALUDOS DE SU SÌNDIGU;
- Illustratzione de sas partes chi costituint sa rughe.

RECONNOTU chi pro s'acumprida de sas iniziativas insertadas in su programma de s'Ammentu s'Amministrazione Comunale s'at a avalèssere de sa collaboratzione de un'Assòtziu locale chi at a èssere individuadu pro mèdiu de una protzedura a evidèntzia pùblica;

ACHISIDOS sos parres obligados de regularidade tècnica e contàbile, espressados cunforma a s'art. 49, 1° comma de su D.Lgs. 267/2000 e de su Segretàriu Comunale in òrdine a sa cunformidade de s'atzione amministrativa a sas leges, a s'Istatutu e a sos regulamentos comunales;

Cun votatzione a favore de sos presentes totu de acordu

DELÌBERAT

DE APROVARE sas premissas narrative e motivatzionales chi inoghe si cunsiderant recramadas a manera integrale;

De APROVARE su programma de s'Ammentu de sos mortos in gherra chi s'at a fàghere su 5 de santugaine de su 2022, gasi comente sighit:

PROGRAMMA:

- ABOJU IN SA PRATZA DE SU MUNITZÌPIU
- S. MISSA PRO SOS MORTOS DE TOTU SAS GHERRAS IN SA CRÈSIA PARROCHIALE DE SANTA MARIA DE SOS ÀNGHELOS
- BENEDITZIONE DE SA RUGHE DE FERRU IN AMMENTU DE SOS MORTOS DE ROMANA
- APOSENTAMENTU DE UNA CORONA DE LARU IN SU MONUMENTU DE SOS MORTOS IN GHERRA
- SALUDOS DE SU SÌNDIGU;
- Illustratzione de sas partes chi costituint sa rughe.

DE AUTORIZARE s'assegnatzione de unu contribuutu che pare a € 500,00 in favore de s'assòtziu chi at a èssere individuadu cun una protzedura a evidèntzia pùblica a titulu de cumpartetzipatzione de sas ispesas netzessàrias pro s'acumprida de sas iniziativas insertadas in su programma de s'Ammentu;

DE LEARE ATU chi sos contributos cuntzessos a sos assòtzios sunt sugetos a rendicontatzione;

DE DARE ATU chi s'ispesa previdida at a èssere leada in contu in su capìtolu PEG 5242/01, Missione 05Programma 02 Titolo I de su bilàntziu de previsionu 2022/2024;

DE APOSTIVIGARE chi in virtude de su printzìpiu de autonòmia organizativa de su cale a s'art. 5 de su d.lgs n.165/2001 e mm.ii.ii e in aplicatzione de su printzìpiu de sussidiaridade orizzontale, de sos cales a s'art. 118 Cost., chi s'organizatzione de sa manifestatzione previdit s'interessamentu de sos Assòtzios chi ant a dare sa disponibilidade a acumprire formas de collaboratzione idòneas e cooperatzione cun custu Ente;

DE AFIDARE a sa Responsàbile de s'Àrea Sòtziu-Culturale in òrdine a sos acumprimentos chi consighint a custa deliberatzione, cun atenzione particolare a s'ammanadura de un'avisu pùblicu idòneu a manifestatzione de interessu, indirizadu a sos Assòtzios interessati pro dare acumprida a formas de collaboratzione e de cooperatzione pari pari pro sas finalidades giai espostas;

DE DECRARARE cun àtera votatzione a favore de sos presentes e totu de acordu, deliberat puru, s'esecutabilidade immediata de su provedimentu, cunforma a s'art. 134 comma 4 de su d.lgs. n.267/2000 e mm.ii.ii., bida s'urgèntzia de assicurare su perfetzionamentu sollìtzitu de sas finalidades suas.

Cun àtera votatzione a favore de sos presentes e totu de acordu,

DELÌBERAT, PURU,

DE DECRARARE cun àtera votatzione a favore de sos presentes e totu de acordu, deliberat puru, s'esecutabilidade immediata de su provedimentu, cunforma a s'art. 134 comma 4 de su d.lgs. n.267/2000 e mm.ii.ii., bida s'urgèntzia de assicurare su perfetzionamentu sollìtzitu de sas finalidades suas.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **D.RA CONTINI ANTONELLA** in data **27/10/2022** at espressadu parre a **FAVORE**

PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **27/10/2022** at espressadu parre a **FAVORE**

Su Presidente
Sindigu DUT.RA CATTE LUCIA

Su Segretàriu Generale
DUT. CARTA GIANCARLO

NOTA DE PUBLICATZIONE N. 532

Cunforma a s'art. 124 de su T.U. 267/2000 su Responsabile de sa Publicatzione **DUT. CARTA GIANCARLO** atestat chi in data 27/10/2022 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia